

子方集編

(41)

四明趙氏翰香居之牀也吾友瑾伯戶部敬承其先惠
贊齋先生之志述其事而大之者也樸齋先生嘗感風
或以蘄蛇饋先生則用製再造丸以濟同病者由是歲必
踵而行之而戶部先後侍先生疾藥餌必親劑積久能
別品味之真偽高下乃遴取驗方之爲丸爲散爲膏爲丹主
治神效者推廣之得若干通不卹鉅費徧求名品躬自監製
炮製修治必循古法無纖微之失其勤且慎尠有能及之者

施濟之廣歷十餘年求者以其得之易也不能皆體施者之
苦心與夫珍藥之不易致請凶凶厭而不甚珍惜其弊也在
彼既不免累殄在我亦空糜物力大而不可久也于是覈其
取材之費第其差等而取直焉著爲目錄分注主治都爲
一編刻而行之俾抱疾者一覽而知所宜求其直則朱記分
隸各條自能方異域無誤函詢可以具資付郵逕購矣夫
士君子之好行其德也亦多術矣飢者之于食寒者之于

衣非勿急也然苟有是心有是力咄嗟之間困而待斃者可
以立起惟厄于疾者良醫難遇方不中病雖以車量藥不
足以損疾豪髮或反以致劇而不可抹幸而得其方矣
藥勿良製勿精猶無方也矧炮製修治有非一朝一夕所
能辦者脫遘急疾勢不能延喘而待是故活人之功以施
藥爲最而期于可大可久而止弊不如取直之泯施之名
而得利人之實也雖然乾元者善之長而幹事必要于

貞因以為利駟僉之所圖萬不容為繼志述事如戶部者
言之惟是始勤終怠慎于初而或忽于其繼止論恆情賢
者有時而不免所望戶部之能貞之也

光緒十年歲在甲申會稽孫德祖彥清敘



翰香居者慈水趙瑾伯農部仰體其

先德樸齋公之志踵而行之者也 樸齋

公嘗嬰風疾進再造丸一服而愈於是收
合濟人歲必一舉並輔以驗方之為丸為
散為膏為丹者共若干品受其施者沈疴
立起蓋不可俚指數也惟是選擇既精泡
製必循古法不欲假手市廛致滋淆雜農

部乃悉心攷驗躬親監製其用力勤而為
惠溥已歷有年所矣既而請乞踵門應接
不暇取者傷廩與者傷惠不得已酌取購
料之需以為後繼歲戊子廼設肆通衢延
司計者視其出入凡古方之流布已久為
世俗所通行者亦羅列焉以供取求且刊
布目錄分注主治之功用兼及價直俾閱

者按症求藥便於郵致而不可欺以多寡
其用意可謂益周矣或疑農部以振奇之
姿負經濟之才不試之大者遠者而乃伏
處里門料量藥餌不已絀乎不知繼志述
事孝也扶困濟危仁也仁人孝子之道大
用大效小用小效亦何必為農部嫌哉余
家與農部有連每相遇從習知其從事於

斯不惜重賞不遺餘力故於其成也為敘
其始末如此

光緒己丑仲夏蛟川盛炳緯省傳甫并書



藥餌濟人之物也然以之貿利則勢不得不出
於詐僞而其害且足以殺人曷濟人哉吾友
趙君瑾伯嘗侍其尊甫璞齋先生疾進丹
造丸而愈先生命瑾伯按方配合用以施人其
珍品藥物不惜重貲多方購取費至千餘
金閱歲而成試之輒效由是求者踵接不久

告罄慮無以繼擬取成本以為再合地又念一方
所治濟人不博因廣搜古方擇其斟酌盡善歷
著奇驗者得數十種將分別修製會先生以
壽終瑾伯恪遵遺命悉心研究料必求其真
功必求其備凡雪霜風雨之不時水旱癘疫
之待治皆有以取給可謂有志竟成矣願世價

直與市肆懸殊人或疑之不知藥品之真偽高下
其價或相什伯而功效固不可道里計也況瑾伯
志在仰承先德以勢有所不繼不得已而取直豈
與貿利者之名濟人而實以害人者比哉韓康盛
德希文苦心兩兼之矣為書其緣起以此

慈谿俞斯珩敘



趙君文通承其先志陳藥闋市用嘉
惠人之茲又著錄歷世經驗之方彙為
一編以類相從每或藏閱其宅心可謂
仁矣吾族父仔甫先生與君雅故嘗言
君與慈谿張莘墅先生善張先生以
醫君以藥皆有聞於時蓋所謂相需
而成者今張先生已歿趙君以其夙管

製藥之方裸之於眾世有良醫其必
有以取資於是也癸亥九月沙文若



自序

昔危達齋哀集其高祖以下五世經驗之
方成世醫得效方一書後世寶之蓋人命
至重而醫者處方所貴乎傳久而驗數也
吾家自先祖樸齋公以來至於文通之身
學伯休之陳藥亦歷有年所矣調治丸丹
必謹必審儲而待求百劑率致凡所營製
施之病者靡不奇效十口所傳百家所試

其方之可信確於時序矣文通承先人遺志竊以博施濟衆為仁維大一人一家其力幾何良方妙藥珍秘奚為用特本危氏之意著錄成帙散之天下都為方四百餘種分十六門或本諸古或采諸今或探之微奧或循乎尋常凡經吾氏歷世按驗之有效而無或差忒者皆納焉刊印將竣輒識其端癸亥二月鄞縣趙文通